

湯子遺書



湯子遺書卷二目錄

奏疏

敬陳史法疏

內翰林國史檢討任內奏

院

疏

奏

題明史事疏

內閣學士明史總裁新授江南巡撫

恭報到任疏

以下三十三篇由總督儲提督軍務巡撫江南等處地方都察

院右副都御史任內題

報睢汴秋災疏

恭謝 南巡蠲赦疏

題請蠲緩疏

題請蠲恤疏

湯子遺書卷二目錄

代陳輿情疏

謝 頒日講易經疏

題懇大沛蠲恤疏

報邳州水災疏

續報揚屬水災疏

彙報淮徐秋災疏

再報淮屬水災疏

賑恤淮揚疏

先動帑買米賑饑疏

陳蘇松漕賦難清之由疏



聖德遠邁疏

採買布疋疏

調劑驛站疏

特舉卓異疏

欽奉 上諭疏

災田漕糧米色難期純一疏

請免並徵陳賦疏

請節浮冒疏

請 旨行取疏

解送布疋疏

湯子遺書卷二目錄

蠲免丁額疏

詳陳蘆課辦銅之艱疏

借帑買米平糶還庫疏

恭謝 天恩疏

請錄先賢後裔疏

請毀淫詞疏

恭報起行疏

特舉賢才疏

由經筵講官禮部尚書
掌管詹事府事任內奏

湯子遺書卷一

睢陽湯斌潛庵著

奏疏

敬陳史法疏

奏爲敬陳史法以襄文治事臣學識疏陋備員史館恭逢

皇上虛己諮詢臣敢不謬陳一得以備

採擇臣竊惟史者所以昭是非助賞罰也賞罰之權行於一時是非之衡定於萬世

皇上御極初年卽

湯子遺書卷一

命史臣纂修明史仰見

皇上留心文獻與唐太宗勅魏徵等撰次隋書明

太祖勅宋濂等纂修元史可謂千古哲王若合符

節但當時纂修止據實錄未暇廣採臣愚竊以爲

立法宜嚴取材貴備實錄所紀恐有不詳臣謹取

其大畧爲我

皇上陳之如靖難兵起建文易號永樂命史臣重

修實錄則低昂高下之間恐未可據他如土木之

變大禮之議事多忌諱况天啟以後實錄無存將

何所依據焉一也二百七十餘年英賢輩出有身



未登朝而懿行堪著或名僅閭巷而至性可風萬
一輶軒未採金匱失登則姓字無傳何以發潛德
之光前代史書如隱逸獨行孝友列女諸傳多實
錄所未備者二也天文地理律歷河渠禮樂兵刑
藝文財賦以及公侯將相爲志爲表不得其人不
歷其事不能悉其本末原委三也臣謂今日時代
不遠故老猶存遺書未燼當及此時開獻書之賞
下購求之令凡先儒紀載有關史事者擇其可信
並許參考庶幾道法明而事辭備矣臣伏讀順治
九年十一月十七日

湯子遺書卷二

二

上諭云明末寇陷都城君死社稷當時文武諸臣
中豈無一二殉君死難者幽忠難泯大節可風大
哉

王言開一代忠孝之原肅萬載臣子之極一時在
京諸臣若范景文倪元璐劉理順等皆被
旌錄自當照耀史冊但明末寇氛旣張蹂躪數省
或銜命出疆或授職守土或罷官閒居以至布衣
之士巾櫛之婦其間往往有抗節不屈審義自裁
者幸遇

皇上扶植人倫發微闡幽而忠魂烈節猶有鬱鬱

寒泉之下者則後世何勸焉伏乞

勅下各地方督撫確訪

奏聞併將實蹟宣付史館與范倪諸臣並例同書則闡幽之典愈爲光昭矣更有請者宋臣歐陽修纂五代史不爲韓通立傳後世譏之宋史修於至正三年而不諱文謝之忠元史修於洪武二年而並列丁普之義古今體之

皇上應

天順人救民水火雲霓之望四方俟蘇然元二年間亦有未達

湯子遺書卷二

三

天心徒抱片節硜硜之志百折靡悔雖逆我顏行有乖倒戈之義而臨危致命實表歲寒之心此與海內渾一竊名叛逆者情事不同伏望

皇上以萬世之心爲心

渙發綸音槩從寬宥俾史臣纂修俱免瞻顧則如天之度媿美前王於以獎勵臣子昭示後世其於綱常似非小補臣在史言史不識忌諱無任戰慄隕越之至

題明史事疏

題爲請

旨事臣於康熙二十一年六月十九日奉

旨充明史總裁臣與吏部侍郎臣陳廷敬禮部侍

郎臣張玉書內閣學士臣王鴻緒掌院學士臣孫

在豐侍講學士臣徐乾學公議以明史事體重大

卷帙浩繁其纂修草槁已完者先分任專閱後再

互加校訂臣分任天文志歷志五行志及正統景

泰天順成化宏治五朝列傳陸續刪改臣凜遵

諭旨矢公矢慎夙夜不遑已經刪改天文志九卷

歷志十二卷列傳三十五卷五行志檢討臣吳任

臣見在纂修未經送閱臣於天文歷法學非專門

湯子遺書卷二

而五朝人物事蹟繁重雖盡心筆削恐舛誤猶多

斟酌論定尙需時日臣恭承

簡命出撫江蘇不能復與史事除將改定志傳繕

寫成冊付史館備諸臣參訂外合行

題明臣未敢擅便爲此具本謹題請

旨

恭報到任疏

題爲恭報微臣到任受事日期仰祈

睿鑒事臣於康熙二十三年六月二十六日蒙

皇上簡命巡撫江甯於本年八月初十日恭領

勅諭一道九月初七日

陸辭蒙

皇上賜宴面諭臣應行事宜煌煌

天語如典如謨吏治民情炳若觀火仰見我

皇上神明天縱睿慮周詳宮廷之間遠矚萬里臣

才雖駑鈍敢不恪遵

諭旨精白一心潔己率屬副

皇上愛民圖治至意更蒙

恩賜白金五百兩綵緞十端內廐鞍馬一匹寵賚

優渥逾於等倫至十一日復

湯子遺書卷二

召入內廷

賜以珍饌特頒

御製詩章

御筆法書三軸臣跪受展觀卿雲綉爛光采溢目

臣自念至愚極陋蒙

恩得侍

講幄日承

聖訓今去

天日遠得奉

御筆晨夕瞻仰如對

天顏臣不勝欣幸卽日出都由陸路於十月初二日到臣屬淮安府清江浦登舟准總督江南江西帶管江甯巡撫印務臣王新命委江甯府通判王祚永同臣標中軍遊擊李虎齋捧

欽頒關防一顆令旗牌八面副及文卷等項移送到臣恭設香案望

闕叩頭祇受星夜兼程於初八日至蘇州府到任開印受事訖伏念臣一介寒儒蒙

世祖章皇帝拔置詞館加級外用兩任監司奉職無狀以病請休家居二十年自謂終老邱壑蒙我湯子遺書卷二

六

皇上召自田間復備員侍從五年之內進講

內殿記注

聖政纂修

太宗

世祖兩朝聖訓總裁明史由宮寮超遷學士臣自

顧何人遭逢

聖主知遇之恩亙古罕聞感激涕零常終夜不寐今復蒙

特簡畀以節鉞江蘇爲東南要地財賦繁重俗尙浮靡號稱難治臣才具短淺受

恩深重惟有殫心竭力圖報萬一倘可少紓

皇上南顧之懷卽亦不負臣草茅誦讀之志至奉

到

欽件及應興應革事宜容臣悉心料理次第入

告外所有微臣到任受事日期理合具本

題報伏乞

睿鑒施行

報睢沐秋災疏

題爲謹報睢沐二邑秋災情形仰祈

睿鑒事康熙二十三年十月初九日據江蘇布政

湯子遺書卷二

七

司布政使章欽文詳爲水災奇降地廢民逃叩懇
申詳亟救殘黎以裕邦本事十月初八日據淮安
府詳據睢甯縣詳稱據本縣儒學生員魏奮翼等
鄉民夏王賓等稟稱國以民爲本民以食爲天本
固邦甯食足民安理勢然也痛睢節年以來非旱
卽澇災荒頻仍百姓已不聊生兼之地濱黃河夫
役繁重糜費過於正賦所以上累考成下致逋欠
此官民兩害之原也况今歲春荒糧食騰貴率皆
賣兒鬻女以活生命吞草嚼葉以度朝昏壯者散
而老者絕顛沛萬狀慘不堪言滿望麥秋收穫以

延殘喘不意二麥成熟之後五月五日大雨奇降
平地水深數尺二麥朽爛仍望秋禾活生不意西
水順流而下縣治南北一帶泛濫橫流深者丈餘
淺者五七尺不等其秋禾登塲者被陰雨連縣二
十餘天並未入倉漂流而去房屋滄頽無數遍野
已成澤國殘黎並無棲止已種之麥盡沈水底未
種之地現今水沈不惟今歲無賴來歲更無所望
不惟已逃之民不興思歸故土卽未逃之民亦且
樂奔他鄉民逃則地荒地荒則賦逋士民危極情
亟公叩電憐百姓困苦恩賜轉詳得邀蠲免則父
湯子遺書卷二

八

母之仁能轉河伯之虐矣等情到縣據此該卑縣
竊查睢邑歷年災患頻仍黎民塗炭今春賣兒賣
女者有售無受以故哀鴻遍野碩鼠興歌滿望麥
熟或可少蘇不意暴雨連旬將麥損傷過半復望
秋粒奈三伏不雨禾麥皆枯入秋霖雨連縣二十
餘日黃水陡發而睢邑里社坐落黃河南北兩岸
近年修築堤工較平地約高丈餘水無注洩一經
漫溢卽如倒海今西水順流而下遍地汪洋故將
已獲稻粒悉皆漂蕩方種麥苗俱沈水底屋廬衝
決民無定所衆姓哀蒙傷心慘目卑縣職司民牧

不得不據實陳情仰祈軫念民瘼恩賜轉詳

題請蠲免或議賑恤或緩催科起瘡痍而肉溝瘡
萬姓皆沐洪恩於不朽矣等情據此除一面崙員
飛赴確勘另報外事干災傷擬合通報等情又據
該府詳爲黃水永注沐邑災黎終絕更生哀籲詳
請亟賜拯救事據沐陽縣詳稱據本縣士民魏鯤
等連名稟稱沐居清宿下流幸蒙

皇恩蠲除子遺稍延殘喘不意今歲入秋以來霪
雨連縣晝夜如注又兼山水暴漲以及黃水由攔
馬河泛漫由邳睢等邑直灌沐境淪沒慘狀惟見
湯子遺書卷二

九

水天一色百里無煙又不止積水漫淪與謹報安
東等案沈田溺丁已也竊思糧從地起無地何以
徵糧鞭自丁出無丁何以輸鞭若不叩天詳請畫
一永久之計不惟民命堪虞亦且考成焉副縱天
臺視民如傷其應徵額賦果能一一問諸水濱乎
伏乞軫念水患益深民生愈蹙施拯溺救災之洪
恩思安上全下之至計據實申詳爲民請命陰功
萬代等情稟縣據此該卑職看得沐邑謹報安東
并積水漫淪兩案沈田溺丁荷蒙上臺題請蠲豁
災民幸得更生於康熙二十二年冬奉江撫都院

委勘查報二案涸田陸百一頃一十五畝二分五釐題報陞科在案第查田雖稍有露尖實則沙荒無人耕種惟冀今歲招集流移拮据播種稍全國賦不期自夏而秋諸水泛漲由宿遷縣等處而下水勢溢流沐邑爲匯歸之區不惟去冬報涸之地復沈水底卽未渰之田間亦漫漫卑職南闡回縣但見四野汪洋目擊心傷忝司民牧不得不急爲請命合無據實申詳本府軫念沐民疊罹奇災懇將涸地陞科漕糧正賦亟賜具詳疏題蠲豁未吏災民兩佩洪恩於不朽矣等情詳府據此除一

揚子遺書卷二

面耑員飛赴確勘另報外事干災傷擬合通詳各等情到司據此該本司查得淮屬地處卑下入秋霍雨連綿諸水泛漲積注未洩今據淮安府將睢沐二邑田地被渰廬舍傾頽情形詳報前來除一面飛行批飭淮府迅行各該縣加意撫綏設法賑恤并確查是否成災及該府屬逾限日期查明另報外事關地方災傷合卽通報伏乞院臺迅賜核奪會題等情到臣據此該臣看得淮屬睢沐二邑

地處卑窪疊遭水患荷蒙

皇上軫念民艱蠲賑屢施災黎得以稍延茲據布

政使章欽文詳報今歲入秋霖雨連綿諸水泛漲以致田地被淹廬舍傾頽等情除經飛飭該司迅委能員親詣確勘果否成災照例造具冊結同報災違限日期一並扣明另詳

題報外惟是據報秋災情形例應先行入

告臣謹會同總督臣王新命總漕臣邵臣合詞

題報伏乞

睿鑒施行

恭謝 南巡獨赦疏

奏為恭謝

湯子遺書卷二

天恩仰祈

睿鑒事臣恭觀我

皇上文武聖神天錫智勇史冊所載亙古罕倫中

外臣民沐浴

聖化八荒異域罔不躋服重譯來朝獻琛恐後猶

且

聖不自聖視朝講學宵衣旰食振肅紀綱修明禮

樂謝絕封禪之說舉行巡狩曠典遠近聞之

無不踴躍歡呼稱為太平盛事

鑾輿將出宏頒

恩赦普天之下共荷

皇仁而臣屬士民被澤尤渥蓋江蘇財賦當天
下之半年來水旱頻仍逋欠日多蒙

恩蠲漕糧三分之一舊欠分年帶徵窮鄉下戶咸
慶更生淮場地患沮洳

皇上親臨河上惻然痾瘵遣大臣相視海口疏通
下流更勞

車駕循行堤堰咨詢湖水源流將見水土永奠耕
稼無虞古帝王勤恤民隱未有如我

皇上者也且沿途供應悉出大官約束從臣秋毫
湯子遺書卷二

無擾山農野老得觀

天顏焚香頂禮忘其卑賤熙熙皞皞三代而後無
此氣象

龍舟經過江甯七里洲臣同督臣王新命安徽撫

臣薛柱斗面承

諭旨仰見

皇上體察民瘼澄清吏治至意臣才識庸陋蒙

恩最深受任最鉅於吏治民生責無可諉敢不精
白一心以潔己愛民勗屬吏以敦朴尚實教士民

仰副

皇上諄諄教戒之意謹於江甯蘇州立石大書深刻昭示臣民永永無極又

皇上詣明太祖陵躬行拜奠禮儀優隆仍

諭臣等祭祀必虔嚴禁樵採賞及陵戶此又曠古

希邁之盛舉臣恭承

聖諭豐碑鐫勒垂之奕禩臣有榮施至臣備員巡

撫職當前驅以受事之初迎

鑾僅至淮上方懷悚懼乃蒙

溫諭重疊體恤周至復

賜御書聖藻光輝照耀星漢傳之子孫永爲世珍

湯子遺書卷二

又

賜蟒裘羊酒上方珍食臣何人斯承此異數自念

忠敬之心生平自許敢不益加砥礪冀報

聖恩於萬一至儀真奉

旨地方事務緊要撫臣回署辦事臣遵

旨南還不得負弩境上中心惶惶靡甯

聖駕還宮不能隨諸臣後恭候

聖安惟有蚤夜瞻望

闕廷遙祝

萬壽謹具本陳

謝爲此具本謹具奏

聞

題請蠲緩疏

題爲積年未完之漕項已荷分徵五載壓欠之正賦更祈蠲緩以廣

皇仁以甦民困事據江蘇布政司布政使章欽文詳該臣看得三吳賦稅甲天下軍儲供億仰給實多我

皇上智勇天錫命將授鉞淵謀睿算威震海隅而轉輸不匱江南每歲本折五六百萬較他省蓋數湯子遺書卷二

倍焉我

皇上念財賦重地於軍需匱乏之際猶蠲租賑饑恩恤備至迺者

聖駕東巡洪恩覃敷蠲漕免丁帶徵漕欠除一時並徵之累

詔到之日白叟黃童靡不舉手加額感激而泣以爲

皇上如天之仁軼唐虞而超三代實亓古所未有也獨是漕糧雖荷

天恩而地丁錢糧自康熙十八年至二十二年五

年並徵民力猶苦不支每臣一出士民環馬首泣
訴求爲陳情者殆無虛日臣以

國課關係重大

隆恩未可妄邀曉以大義使各勉力輸將而士民
皇皇哀求不已既而思之使並徵有益於

國臣何敢妄有所請乃於國計無所補益而下民
實爲苦累臣不爲奏陳是爲溺職上負

聖恩矣故敢冒昧爲我

皇上言之臣按蘇松等處賦額繁重雖在豐年所
入常不敷所出乃十八十九兩年異常災荒逋欠

湯子遺書卷二

五

獨多今年之尾欠卽爲來歲之帶徵下年之未完
又爲次年之並比陳陳相因日以增益小民終歲
胼胝不過畝收石粟欲正供之外兼完積逋勢必
不能且錢糧之在公家雖有起存漕項之分而小
民輸將總一條編徵原無差別未完起存錢糧之
民卽是未完漕項之民今計十八年至二十三年
未完地丁並時追呼而二十四年新糧又復起徵
矣州縣比較大率十日一限假使每日輪比一年
則十日中僅三日空閒而七日赴比矣近城附郭
猶得稍息其窮鄉僻壤奔走道途匍匐公堂欲求

盡力農桑不可得已設有司見考成期迫不暇念及民生或一日而並比數年則先因某年之欠而敲扑之復因某年之欠而加責之血肉淋漓哀號之聲上干

天和亦所必至也

臣仰體

皇上視民如傷之仁時時告誡有司既不忍使疾苦遺黎受此摧殘又不敢以定限考成爲之寬假誠恐民知積欠已多剜補無術惟有拌此皮骨以捱徵比官知遞年壓欠催科計窮亦惟拌一降革以圖卸擔究之官之更代愈速錢糧之頭緒愈亂

湯子遺書卷二

十六

加以蠹役乘機侵欺小民逃亡相繼

繼

國課必至大絀臣愚以爲民間止有此力併徵數年其輸納不加多帶徵一年其輸納不加少而分年帶徵則官免畏顧考成挪新補舊之弊民免累日並比荒廢農桑之苦所全實大也故敢冒昧叩

懇
皇上推廣帶徵漕欠之德意俯

俞臣請除康熙二十三年錢糧尙未奏銷不敢請

緩將康熙十八年至二十二年民欠地丁錢糧俯照漕項一例於康熙二十四年起分年帶徵以紓

民困臣又念此數年中十八十九兩年水旱疊承地多版荒人多逃亡今時已五載牽連親族者有之遺累鄰戶者有之所謂有糧無田有戶無人者實實不乏倘蒙

聖恩將此兩年槩賜除豁准自二十年後分年帶徵務期全完在民既無並徵之累在官又無虛懸之項然後律以考成之法小民亦各有心既感

皇恩又悚

功令誰不踴躍爭先以完正供此實有裨公帑無損國計而江南土庶歌詠

湯子遺書卷二

皇仁億萬斯年永永無極矣臣受

恩最深身在地方日擊情形不敢隱默并據布政使章欽文詳請前來臣謹會同總督臣王新命署理漕務總河臣靳輔合詞具

題伏乞

睿鑒施行

題請蠲恤疏

題爲泰州災復加災亟叩具

題蠲恤事據江蘇布政司布政使章欽文詳該臣看得泰州居高郵寶應興化等州縣之下流素稱

澤國自康熙七年洪水爲災田地陸沈民生昏墊
荷蒙

皇上饑溺爲懷蠲賑頒頒子遺獲存復將淪田錢糧於微臣目覩等事案內准予蠲停令於每年冬勘明淪涸確數分別蠲徵歷年遵奉在案至康熙二十二十一年兩年該州田地陸續全涸隨卽據實勘報具

題是以微臣目覩等事案內止存山陽清河等七州縣而泰州不與焉臣於康熙二十三年十月內接任撫事至十一月據泰州里民呈控該州田地

湯子遺書卷二

十六

自二十二年復被水淪情詞迫切臣卽備查卷案

該州田地已報全涸何得妄稱復淪且未據地方官申報難以憑信批行布政司轉委淮揚道副使多宏安親詣查勘務在確實不得稍有虛捏去後續據該道將復淪田地情形詳報前來臣查田地疆界豈無高下分別冊內多有未明恐有虛捏復據該司詳委蘇州府同知金鑑會同揚州府同知朱射斗前往覆勘臣又諄切面諭務須矢公矢慎細加察勘不得稍有扶捏今據布政使章欽文詳細同知金鑑等履畝查勘據稱泰州田地原分上

河下河其上河田地久成膏壤惟下河一帶與興化接界地最窪下海口未開高堰湖水時常漫溢渰涸無定迨二十二十一年歲值大旱田中積水全涸二十二年雖涸田復渰然雨水驟漲尚冀旋消是以前撫臣於彙

題案內未敢遽請蠲豁至二十三年九月內湖水暴發橫流旁灌宜洩無路注而不流至今田沈波底播種難施等情臣惟渰田涸出固宜隨時勘報起徵以足額賦如涸後復渰亦應據實陳

請以邀寬恤我

湯子遺書卷二

十九

皇上視民如傷遠邁千古巡幸經臨見民廬舍田疇被水渰沒深軫

聖懷

特遣大臣循海察勘不惜經費專官疏濬下流斯民安土復業萬姓歡呼祝誦

聖壽無疆所有泰州康熙二十二十一年原報涸出田地既經屢勘實被渰沒見在播種難施應徵錢糧委難責令輸納亟懇

皇仁准予停緩以後仍歸徵臣目覩等事每年冬勘案內與山陽等州縣一例察勘如有涸出另報

起徵浩蕩

皇恩非微

臣

所敢妄冀也惟是泰州見任知州郭

傑於高堰湖水泛濫之時不行通報直至里民赴

臣衙門呈控批行查報始行具詳

臣既無據呈具

題之例且已經報涸之田恐有虛捏不敢不細加

察勘則從前該州隱匿之咎難辭合併指明聽部

議奪除冊結送部外

臣

謹會同總督臣王新命總

漕臣徐旭齡合詞具

題伏乞

睿鑒勅部議覆施行

湯子遺書卷二

代陳輿情疏

題爲郡守因公降調士民控籲迫切謹代陳輿情

仰祈

睿鑒事據常州府武進縣鄉紳士民張祖留等具

呈該

臣

看得

臣

屬七府現缺知府者三常州府降

調知府祖進朝履任未及一載素聞其操持廉介

蒞事勤慎

臣

私心重之頃緣失察法實一案部議

降四級調用銷去加一級仍降三級奉有

諭旨乃常州五縣紳士商民不知

朝廷功令以爲進朝服官頗能潔己愛民驚聞解

三

任輒捨地呼天號泣罷市若一旦頓失怙恃者奔
赴臣衙門請爲

題留日不下數千人街衢擁塞哭聲震天更有蒼
顏皓髮年逾八十年日杜門靜修足不履公門者
亦至臣公堂叩首求達

天聽臣諭以

朝廷自有定體保留之例久已停止爾等當靜聽
部選新官毋得竇擾士民愈加哀痛以爲常州四
十年來未有愛民如知府祖進朝者其減差輕耗
興學正俗戢奸除暴息訟安民種種善政窮鄉僻
湯子遺書卷二

三

壤盡沾惠澤豪強蠹胥不敢作奸

皇上軫念東南如江甯府知府于成龍蒙

特恩超擢吏治丕變今進朝操守才幹實可與成
龍頡頏而獨以一青被謫萬民驚惶殆不欲生言
畢泣下不能止臣再三撫慰許以代

題皆望

關叩頭而後去又聞赴督臣衙門控愬者亦不下

數千人臣不知進朝何以感人之深如此臣查失

察法寶一案無錫縣知縣徐永言以協拿免議進

朝身爲郡守失察之罪何辭况部議察取督撫職

名臣受事四日拿獲法寶是受事之日已爲失察
之日自當靜候處分何敢代人賣

奏惟是常州爲江南巨郡一月以來士不安於庠
農不安於野商賈不安於市行旅不安於途臣蒙

皇上特恩簡畀封疆重任屬吏之敗檢者得而糾
劾之廉能者不能爲之一言非公也民情皇皇如
此而不爲之解慰安輯非仁也畏罪緘默而使輿
情不能通會

上聞非忠也有一於此皆負

聖恩無所逃罪因與督臣熟計再三敢不避斧鉞

湯子遺書卷二

爲之陳

奏實從通達民情起見非敢違例

題留臣謹會同總督臣王新命合詞具

題伏乞

睿鑒裁察勅部議覆施行

謝臣頌日講易義疏

奏爲恭謝

天恩事康熙二十四年五月二十四日臣提塘李

世昌自京捧齎

皇上頒賜日講易經解義到臣隨恭設香案望

關叩頭祗受恭惟我

皇上

道協乾元

明符離照

正位凝命秉剛中而六爻八卦之用全

富有日新體易簡而三極兩儀之理備

奮神威於遐甸日暄雷動見萬國之咸甯

布體澤於蒸黎雲行雨施與四時而合序蓋顯仁

藏用無非圖書未發之英華而致遠鉤深更窮河

洛以來之理數說諸心研諸慮參伍錯綜之必詳

湯子遺書卷二

三

樂而玩居而安象變意言之悉會法天德以行健

既有自強不息之功觀人文而化成尤以教思無

窮爲大於是

頒行解義

昭示臣工範圍在

一人已通健順剛柔而敷治推行先百職俾體盈

虛消息以宣猷從此戶誦家傳猶如觀法懸象二

五應而位當上下交而志同容保無彊有孚而化

臣行多悔咨識昧會通曩者侍

寶幄以敷陳愧顙蒙未聞道妙聆

玉音之闡發知

神聖自有心傳今茲職備封疆時復神遊

殿陛

瑤編下賁恍依

御座以趨踰奧義重披宛接

天顏於咫尺敢不惕深覆餗節勵匪躬仰

對時育物之淵懷敬以訓規察承

設教省方之至意敢用告誡編氓臣謹具疏稱謝

伏乞

睿鑒施行爲此具本謹具奏

湯子遺書卷二

聞

題懇大沛蠲恤疏

題爲

聖駕巡幸仰瞻曠典懇憐積苦大沛蠲卹以惠要

地事據江蘇布政司布政使章欽文詳該臣看得

淮安府屬地方居長河大湖之濱民間田畝多因

積水未消難施耕耨地利既失困苦日深而工瘠

地衝民窮賦重惟宿遷尤甚恭遇

聖駕東巡問民疾苦而宿遷縣生員陸爾謐等民

張士宏等以豁免暫加三餉失額丁銀失額糧地

曠土虛懸四款具奏陳請我

皇上以巡幸宿遷親見民生有窮苦形狀
特勅部議行臣確查據實具題臣捧誦
恩綸仰見我

皇上饑溺爲懷遠邁千古一夫不獲皆塵

聖慮此真宿民出塗炭而登衽席之時也臣敢不

仰體

皇仁悉心詳察以副

如天覆冒之心隨行江蘇布政司逐細根查毋虛
毋隱據實詳報去後今據布政使章欽文取結詳

湯子遺書卷二

三

覆前來臣查陸爾謐等所奏暫加三餉一款卽係
全書所載九釐地畝款項始於明季萬曆四十七
年加徵而宿遷一縣則派銀至四千三百二兩八
錢六分零併隨正編徵水腳我

朝定鼎初年凡明末雜派悉賜豁除一切錢糧俱
準萬曆年間起科而此項因係萬曆末年所加故
當日未邀

特恩仍舊派徵相沿至今惟念該縣地畝非濱河
傍湖卽砂礫斥鹵不但浚沒之地望涸無期卽涸
科之田亦荒瘠難墾民生昏墊實與他處不同且

田畝科則又與鄰近之海贛邵睢等州縣較重故
士民之呼籲倍切仰懇
特恩將宿遷縣九釐地畝一項破格全蠲以廣
皇上巡幸恩澤實千載盛事也又失額丁銀一款
全書刊註該縣人丁疊因兵火水旱災祲以致逃
亡缺銀三千二百七十兩八錢於順治十三年閏
五月內前漕撫臣蔡具題部覆均於原額田地之內帶徵仍嚴督設法招
徠清補此乃一時權宜之策原非經久之計尙冀
流亡歸復旋即減除豈期該縣田地沈廢屢屢見
湯子遺書卷二

三

告民無恆產見在者難免逃亡欠缺者焉能復業
以致年復一年因循包賠臣查民間完納錢糧丁
田原自有分今以磽瘠之地責其按畝輸賦尙苦
難支况缺額丁銀何堪久事攤賠卽該縣有續報
墾田皆地方官勸諭見在人丁勉力開墾非另有
逃亡復業人丁况順治年間年遠缺額豈能清補
合請

皇上將前項缺額丁銀暫行免徵督令地方官盡
心招徠數年之間流民知無攤賠之苦庶幾漸歸
故土將來編審案內陸續增補以符原額誠爲至

便至失額糧地一千六百六十九頃五十八畝蓋因該縣地處濱湖坍塌失額康熙三年丈缺前數經前撫臣韓於請除丈坍等事案內

題請蠲免奉

旨行令督臣麻

親勘確實於康熙九年間部

覆准將九年錢糧暫行停徵而十年以後仍舊徵輸又續報曠土六百二頃三十四畝一分原因糧田永沈等事請蠲祠堂駱馬湖等處水沈田地一案前撫臣馬奉

旨親往查勘見有山岡荒

湯子遺書卷二

三

廢之地具疏

題明部覆招集業戶開墾今該司府雖經行縣查明失額田地見沈水底報墾曠土俱係石田詳請豁免臣因永蠲錢糧務期詳慎且該縣見有糧田永沈決口地廢二案內奉

旨停徵前項失額地畝是否卽在其內至續報曠土係於康熙十六年認墾今稱實係不毛有無虛捏復經飭行該司備移准徐道僉事常君恩親往宿遷逐一詳詢據稱失額糧地係於康熙三年丈缺而糧田永沈決口地廢二案係於康熙十一十

六兩年報渙其時里民各照被災區圖開報前項
坍田實在二案之外另有坍塌從前失額錢糧未
奉除豁原案見在可核其續報曠土向因需餉孔
急部文招徠開墾故將山岡版荒地畝報陞不意
既報之後艱於耕鑿依然榛莽應陞之課虛認均
完等語

臣惟

聖朝任土作貢必小民盡力畝畝而後可責以輸
將今宿遷縣失額糧地既付波臣續報曠土又屬
砂礫難墾歷經該府縣查明又委淮徐道常君恩
親往查確具有不扶印結既無虛冒所當一併

湯子遺書卷二

二十六

題請豁免庶包賠之累盡釋積年之困頓除萬姓
歡呼祝頌

聖壽無疆億萬斯年皆知我

皇上巡幸所至有非常恩惠不但如古昔省耕省
斂而已也除將該道府縣印結送部查核外

臣謹

會同總督臣王新命總漕臣徐旭齡合詞具

題伏乞

睿鑒勅部議覆施行

報邳州水災疏

題爲謹報邳州水災情形仰祈

睿鑒事據江蘇布政司布政使章欽文詳該臣看得邳州地勢低窪疊遭水患新舊錢糧尙多懸欠正藉秋熟得以輸賦資生茲據布政使章欽文詳報該州自五月二十七日起至六月初八日大雨傾盆又加山水漲發以致各社田地布種秋禾盡被淹沒等情除批該司速委賢能官員飛往查勘果否成災照例取具冊結另

題外所有被災情形合先循例

題報臣謹會同總督臣王新命總漕臣徐旭齡合

詞具

揚子遺書卷二

完

題伏乞

睿鑒施行

續報揚屬異常水災疏

題爲續報揚屬異常水災仰祈

睿鑒事據江蘇布政司布政使章欽文詳該臣看得揚屬高郵泰州寶應等州縣地居淮黃下流諸湖交匯素稱澤國自康熙七年遭堤堰冲決以來下河田地久已陸沈災民流離播遷慘苦萬狀素在

聖明洞鑒之中幸賴

皇仁浩蕩蠲賑頻頒子遺猶存不致盡填溝壑此皆我

皇上深仁厚澤惠養之所致也邇年以來

天心效順雨暘時若高阜之田幸獲有秋卽勘涸田地災民莫不感奮勉力播種冀有薄收以輸

國賦不意今歲自夏徂秋大雨傾盆連縣月餘先據興化縣詳報被災情形已同淮徐三屬邳州山陽等州縣

題報在案今復據高郵泰州寶應并江都縣紛紛詳報雨水日積無路宣洩更兼黃淮交漲諸湖漫湯子遺書卷二

三

溢萬壑沸騰隄堰難禦致將熟涸田地無論高下盡被滄沒所種秋禾俱沈波底廬舍漂流男女涕號悽慘情形鄭圖難繪臣披閱之下不勝蒿目驚心一面飛飭各屬設法撫綏一面行令藩司確察今據布政使章欽文詳覆被災情形無異除見在委官確勘災傷分數另疏

題請破格蠲恤惟是淮揚徐等屬疊罹水患民生昏墊今歲水災更非尋常可比臣仰體我

皇上視民如傷之仁除經飭行各屬查明實在被水深重災民將常平倉向存積穀動給賑濟務令

安集不致流離失所仍將動給過穀數及賑濟花
名造冊另報外所有被災情形臣謹會同總督臣

王新命總漕漕臣徐旭齡合詞具

題伏乞

睿鑒勅部議覆施行

奏為彙報淮徐秋災疏

題為彙報淮徐秋災情形仰祈

睿鑒事據江蘇布政司布政使章欽文詳該臣看

得淮揚濱河田地屢遭水患民生困苦已非一日

荷蒙

湯子遺書卷二

三

皇恩蠲賑頻頒得以苟延殘喘徐屬素稱荒瘠全
賴雨暘時若年穀豐稔庶能上完

國賦下資餬口不意今歲江北霖雨為虐據布政

使章欽文詳報淮安府屬之山陽清河桃源宿遷

睢甯沐陽安東贛榆等縣揚州府屬之興化縣徐

州及所屬之豐沛蕭碭等縣及邳州併衛與大河

衛地方五六兩月天雨連旬禾苗悉被淹沒初猶

冀雨霽水退補種晚禾豈期河水泛濫川澮皆盈

源源不息水積難消秋成絕望等情除經批飭該

司星速遴委能員確勘果否成災照例取具冊結

另報仍嚴檄淮揚淮徐兩道轉飭府州縣衛各官多方撫恤災黎設法賑救毋致流離失所外所有秋禾被災情形合先

題報臣謹會同總督臣王新命總漕臣徐旭齡合

詞具

題伏乞

睿鑒施行

再報淮屬水災疏

題爲再報淮屬水災情形仰祈

睿鑒事據江蘇布政司布政使章欽文詳該臣看

湯子遺書卷二

三

得淮揚徐三屬逼近黃河地勢窪下民罹水患已

非一日今歲自夏徂秋復遭霖雨滄沒秋禾先據

邳州山陽高郵徐州等處紛紛詳報并據布政司

陸續彙詳臣經節次入

告請

賜蠲賑在案今又據布政使章欽文詳稱海州鹽

城縣并淮安衛先於六月初旬大雨連綿禾苗被

滄猶冀晴霽尙可補救不意七月二十六日颶風

暴雨河湖泛漲民屯田地悉付波沈秋成絕望等

情詳報前來除批飭該司作速委官確勘果否成

災另報外所有滄沒秋禾情形臣謹會同總督臣
王新命總漕臣徐旭齡合詞

題報伏乞

睿鑒施行

賑恤淮揚災黎疏

題爲淮揚水患非常亟請

皇仁賑恤以保殘黎事竊照淮徐地方居黃河之
濱而揚屬州縣又在淮湖下流雍冀豫充之水皆
以黃河爲歸而宛汝梁宋潁壽之水又皆以淮湖
爲歸是淮揚者固天下之澤國也自康熙九年隄
塌潰決而民不堪命矣賴

湯子遺書卷二

皇上蠲賑頻施得有今日上年恭遇

聖駕東巡視水勢瀾漫口廬滄沒深懷憫惻

特簡能員大加疏治仰見我

皇上不忍一夫不獲欲起瘡痍而盡登諸衽席真

堯舜如天好生之心也以爲從此立奏平成永除

昏墊不意今歲五六月間大雨連縣經旬浹月更

兼河湖洶湧川澮盈溢禾稼滄沒秋成絕望

將被災州縣情形陸續入

告并分委府廳等官親詣各屬確勘災傷分數造

具冊結

題請蠲恤在案惟是今歲之災非尋常秋災比也蓋山東河南皆有異常水患故河湖之汎漲尤甚而

題報之後霍雨不止至七月二十六至二十九日大雨四晝夜又遭颶風海潮萬壑沸騰山水開水建瓴直下舟行隄岸之上城市之間水皆數尺扶老攜幼上下奔逃溺死者不計其數悲號之聲震動遠邇奇災異慘從來所未有也臣以庸菲謬撫茲土痛自修省寢食俱廢隨即移咨督漕河鹽諸

湯子遺書卷二

言

臣馳檄司道等官博詢捍禦拯救之方廣募捐輸賑濟共圖存恤今失業之民已有流入常鎮等處者臣嚴飭各地方官隨處撫綏賑恤勿令遠徙難歸將來田疇永荒必至大損

國課惟是淮揚徐三屬被災州縣共計二十餘處其被災稍輕者拯救猶易至於淮屬之邳睢山鹽海安清桃宿沐等州縣揚屬之高寶興泰等州縣俱屬積滄之餘徐州及蕭礪二縣田地荒瘠戶有逃亡今更罹此奇災慘苦倍甚臣與地方諸臣縱竭力捐輸告糴平糶并動常平倉穀稍資賑救然

爲力有限僅可暫濟目前將來秋盡交冬饑寒愈迫不能接濟必至壯者流亡老弱填於溝壑矣臣查康熙十八年各屬旱災請賑饑民百萬卽十九年水災僅高寶興泰鹽五州縣并江都縣邵伯一鄉請賑饑民亦有三十餘萬俱荷

俞旨特開事例并准先動庫帑買米發賑得以源源相濟饑民咸獲更生今歲水患較十八十九兩年更爲慘烈被災地方更爲寬廣饑民當亦不止數十餘萬若不籲請

皇仁大沛恩膏百萬生靈豈能全活臣不早言上

湯子遺書卷二

三

頁

聖恩罪無可逭今事例久停何敢妄請但救荒無奇策而拯溺勢不容緩非有激勸之典則人懷觀望誰肯爭先請

勅部畧倣往年賑濟事例量行減數或准士民頂帶貢監官員加級紀錄及抵罪還級等項則人知鼓舞庶有實效今時已秋深寒冬逼近恐饑民難待乞准臣先借司庫項銀或撥鹽課銀兩遴委廉

幹官員前赴江西湖廣採買麥米分運各屬賑濟事後另報請銷或另議補還爲

國家保數十萬耕田輸賦之良民即可培
國家億萬載無疆之元氣

浩蕩殊恩出自

皇上非臣所敢自必也至於一應賑濟事宜臣與

總督漕河諸臣勘酌緩急議定規條另疏報

聞事關地方異常災荒特請破格賑恤臣謹會同

總督臣王新命總漕臣徐旭齡總河臣靳輔合詞

具

題伏乞

睿鑒迅賜勅部議覆行臣遵奉施行

湯子遺書卷二

先動帑賑饑疏

題爲饑民望賑甚迫謹先動帑買米仰祈

睿鑒事據江蘇布政司布政使章欽文詳稱竊照

淮揚徐三屬頻年昏墊今歲復罹水厄以皮骨僅

存之衆當此懷襄震蕩之凶其顛連困苦情形業

經節次繪圖入

告固已不勝其慘矣乃目來水勢不退益加瀰漫

叠據各邑迫切號呼咸以颶風淫雨接續摧殘山

瀑河流交相泛濫城垣到處傾倒陸地成河村墟

一望汪洋河隄如線災黎扶老挈幼道路流離乞

食無門棲身無地目今漸次秋深饑寒日迫甯忍
立視其死是發粟散賑誠難須臾緩也而各縣儲
粟無多勸捐尤難猝辦惟有動銀委官早赴江楚
買米分發賑濟是爲要著本司伏查康熙十八等
年亦因災民絕食賑救無資於賑項無出等事案
內奉督撫部院

題准部覆既稱江南省亢旱蝗蝻繼起饑民絕食
與平常荒歉不同應如該督撫所

題照烏沙船工事例捐納至次年六月初一日停
止將現存贖倉庫米麥銀兩酌量先行動賑俟捐
湯子遺書卷二

輸補還奉

旨依議欽遵行司遵照當經陞任丁布政搜查倉
庫並無餘存銀米隨詳准動支司庫正項分頭散
賑又經詳

題展限計自康熙十八年冬季開例起至二十二
年春季止共得銀四十七萬三百二十兩內除康
熙十八十九二十等年用過賑濟銀四十一萬六
百一十八兩五錢零外仍餘急公捐納銀五萬九
千七百一兩零於賑案報部可考而此捐納事例
隨於再陳水利案內經前任撫院請濬白茆孟瀆

兩河先動正帑濟工望賑饑民得以赴工趁食寓
賑於工請展事例捐納還項奉部覆允仍開此十
二案事例捐納彼時復又溢收銀八萬三千二百
五十兩未經動用起解夫此項餘存捐銀雖屬公
帑然原係官紳生俊人等急公輸納溢收餘存之
項與已前捐賑准動倉庫存贖之例相符且不係
地丁正帑合無於內酌量動支至於需銀數目查
淮揚徐三屬應賑被災州縣衛所災黎房產蕩然
從何覓食雖現在各屬查取真正絕食男婦老幼
確數目下遽難懸定應請自十月初一日開賑起
揚子遺書卷二

三

至下年麥熟之期止總計二府一州州縣衛所饑
民多寡不等約畧不下數十餘萬需米甚多今惟
有先儘本地捐穀屆期先行放賑續後買米酌量
運給乘此新穀初登應請先動銀三萬兩遴委松
江府海防同知李經政再動銀二萬兩遴委蘇州
府海防同知劉三傑前往湖廣江西等處採買仍
請咨明兩省督撫部院聽其與民間照時平糴星
速運回分頭酌發仍照前項事例捐輸補還夫此
流離瑣尾之災黎卽異日耕鑿輸賦之赤子頻年

災疹久荷

皇仁破格蠲賑留此殘喘茲當水患滔天民皆艱
食委非平日尋常可比仰賴剴切陳請大沛

恩膏起瘡痍於衽席不致失所流離矣等因到臣

據此該臣看得臣屬淮揚徐地方今歲夏秋霖雨

連綿田禾淄沒臣將各州縣被災情形節次入

告復將失業饑民亟需賑救勸捐力難普遍且恐
不能接續請准先借庫帑採買米麥接濟緣由具

疏

題明嗣據布政司將各委官勘明災田分數造冊

結詳臣具

湯子遺書卷二

五

題見候部覆分別蠲恤惟是被災州縣二十餘處
皆因五月至八月霖雨颶風接踵肆虐更兼河湖
泛漲山水驟發以致田沈波底廬舍漂流失業窮
民無衣無食老幼哀號惟待賑濟稍延殘喘况轉
盼嚴冬饑寒逾迫若候部覆至日動銀採買往返
道途緩不及事勢必流離轉死溝壑有負

皇上如天之仁今據布政使章欽文請於開濬白

茆孟河溢收捐輸事例銀內動支五萬兩遴委蘇

州府同知劉三傑松江府同知李經政前往江西

湖廣等處採買米石以資接濟仍俟捐輸還補等

情前來除嚴飭委官星夜起行上緊採買務毋浮
冒作速運回分發賑濟外所有借動庫銀買米緣
由臣謹會同總督臣王新命總漕臣徐旭齡合詞
具

題伏乞

睿鑒施行

陳蘇松通賦難清之由疏

題爲詳陳蘇松通賦難清之由籲請

睿鑒裁酌定不易之規以實

國課以遂民主事臣惟財賦爲

湯子遺書卷二

四

國家根本之計而蘇松尤爲財賦最重之鄉臣以
庸碌謬撫茲土見錢糧累年通欠每當

奏銷之期多者嘗欠至五十餘萬最少亦不下三

四十萬夙夙夜疚心懼無以仰佐

國計恆惴惴不安初疑官吏之怠玩繼疑豪強之
頑梗乃一載以來詢問者碩體察民隱間嘗巡行
阡陌訪田則之高下考徵科之多寡然後知蘇松
通賦實由民力維艱斟酌調劑貴在及時敢悉心
爲我

皇上陳之蘇松土隘人稠一夫所耕不過十畝而

倚山傍湖旱澇難均卽豐稔之歲所得亦自有限而條銀漕白正耗以及白糧經費漕贈五米十銀雜項差徭不可勝計而仰事俯育婚嫁喪葬舉出其中終歲勤動不能免鞭扑之苦故蘇松俗好浮華而獨耕田輸稅之農民艱難實甚兩府與常鎮嘉湖皆壤地相接而賦額輕重懸殊卽江浙閩楚並號財賦之鄉區區兩府田不加廣而可當大省百餘州縣之賦民力所以日絀也夫兩府田賦之重固起自明初臣嘗考洪武年間籍沒張士誠將士私產號爲官田賦額特重而民田之起科較輕

湯子遺書卷二

聖

永樂以後漕運愈遠加耗滋多宣德正統間巡撫周忱奏減蘇州租七十餘萬石松江租三十餘萬石民困稍蘇至嘉靖初蘇州知府王儀請行均田之法盡括官民田而哀益之當時稍救官田之敝但正耗兼配科則繁雜吏易爲奸其後以耗米作爲正糧又運綱諸費額外取之於民因事派徵又如所謂九釐地畝之類日漸增益非復正嘉以前之舊至啟禎時軍餉孔殷加派日繁民不堪命矣本朝定鼎田賦悉照萬歷年間則例盡革明末無藝之徵洵稱救民水火近年因時制宜如白糧經

費運軍行月永折加價等項載在全書其官收官
兌之法最稱便民不可更易然亦因明朝賦重役
繁以耗作正不得已爲此補救之計而民力則已
殫也順治初年錢糧起存相半考成之例尙寬後
因兵餉急迫起解數多又定十分考成之例一分
不完難追部議以四十餘萬錢糧之州縣至與小
縣錢糧不上數千或僅一二萬者一例考成官斯
土者雖賢如黃霸魯恭何能自免謫譴夫人千里
而來爲吏誰肯以催科無術甘心廢棄一存顧惜
功名之念則展轉苟且之計必生或以存留而抵
湯子遺書卷二

望

起解或以此項而借彼款或以新糧而抵舊欠參
罰期迫則以欠作完賠補維艱又以完爲欠種種
弊竇莫可究詰一經發覺身家俱喪官之更代日
勤蠹胥因之作奸頭緒紛淆侵漁任意雖嚴加追
比究之款額空懸惟二十二年適遇歲豐二十三
年荷蒙

聖恩蠲漕故僅有一二縣地丁全完而他項仍多
掛欠又以年外報完未副議敘之例夫人才力不
甚相遠豈他省之吏幹濟獨優而蘇松之官催科
偏拙良以百姓之脂膏旣竭則有司之智勇俱困

而前途之功名絕望則官箴之砥礪難期心已灰矣地方何賴吏治人才皆足惜也積欠年久惟待赦蠲我

國家宏敷大賚每一

赦詔蘇松免租多者百萬少者七八十萬是糧額雖重原非可完之數與其

赦免於追呼既窮之後何若酌減於徵比未加之先使得完肌膚而樂昇平且無損

國家歲入之實數乎蘇松版荒所在都有臣常委

官履畝踏勘非盡石田不可耕也祇因田不抵賦

湯子遺書卷二

望

力難任役一戶逋逃數家株累小民畏懼不敢承佃倘蒙

皇恩稍賜寬減其孰不踴躍復業數年之後按畝

陞科將見田額漸增

國賦日裕是蠲無益之虛額而收懇田之實課也前此諸臣纍纍陳請適當軍興旁午餉需告匱之日且俱言前朝苛政欲復宋元之舊事勢難行今

賴

皇上德威遠播海表日出之邦絕域不庭之國莫

不稽首來享奉琛恐後斯正

國家休養蒸黎培植根本之時上年
鑿輿親巡洞見村落蕭條深軫

聖懷又獨漕免丁帶徵積欠深仁厚澤淪肌浹髓
白叟黃童感極而泣以爲生逢

堯舜之主視民如傷若地方官能以民艱

上聞必當大沛

恩膏起三百年之痼疾臣身在地方義無可諉不

敢遠引宋元之說亦不敢比常鎮嘉湖之例惟叩
懇我

皇上念民力之已竭察虛額之無益

湯子遺書卷二

宸衷獨斷煥發

德音及此纂修簡明全書之時博集 廷議將蘇

松錢糧合盤打算各照科則量減一二分定適中
可完之實數無存過重必欠之虛額再將科則稍
加歸併使簡易明白便於稽核或將賦額最重州
縣另立勸懲之典不與小縣一例考成使守令知
可以久任可以陞遷不至苟且因循事務廢弛庶
幾野無不耕之土戶無不完之租民力裕而吏治
清賦稅充而

國用足億萬年太平無疆之休端在是矣臣非不

知賦額久定未便更張但體

國經野貴永久而無弊苟有未善正宜變通况前代之苛政乎我

皇上神聖立極事事垂法萬世此尤關國計民生之大者

宏謨遠算總自

睿裁非微臣所能仰贊也臣章句腐儒錢穀非所

素諳蒙

皇上隆恩優渥惟知夙夜飲冰圖酬高厚而心血耗竭疾病侵尋恐一旦溘先朝露終負

湯子遺書卷二

望

聖恩因目覩逋賦難清不敢不冒昧竇陳字多逾格伏乞

聖慈睿鑒施行

聖德遠邁疏

題爲

聖德遠邁千古等事據江蘇布政使司布政使章欽文呈詳前事臣看得奉頒

御書萬世師表四字懸置扁額於各府州縣學宮

臣接准部文隨卽欽遵備行布政司轉行各屬遵

照虔製去後今據該布政使章欽文報稱江蘇松

常鎮淮揚徐八府州并各州縣學俱經欽遵製備
龍邊金字扁額懸置學宮訖至於蘇州府學先據
該府知府胡士威具報完工臣恭率屬員奉送懸
豎洪惟我

皇上

道協時行

功同天運

文章炳煥闢乾坤經緯之奇

德教敷宣大覆載生成之用

御筆特頒闕里同日晶雲縵以昭垂

湯子遺書卷二

聖

璇題徧揭黌宮見鳳翥鸞迴之燦爛蓋

聖德爲生民所未有而

宸藻實亙古所希聞縫掖歡騰沐

榮光於大造臣鄰喜溢瞻

文教之不興臣謹具疏

題明伏乞

睿鑒施行

采買布疋疏

題爲外省採買解送布疋事據江蘇布政司布政
使章欽文詳前事等因到臣據此除辦解布疋已

據該司填批送掛解部交收外該臣看得部行江南採買青藍布十萬疋每年照限解部等因遵照在案今康熙二十四年應辦布疋先據江蘇布政使章欽文詳稱往年例委蘇松常三府州縣佐貳辦解徵員稍不慎重易至掛欠今總委蘇州府督糧同知金鑑於司庫支領見銀前往產布地方採辦以速起解臣經批飭加意節省毋有虛冒茲據該司詳稱往年報銷青布每疋價染銀五錢二分九釐藍布每疋價染銀四錢七分九釐又每疋解運水腳銀五分四釐已屬節省至極一定難易今

湯子遺書卷二

七

金鑑禁絕奸牙釐剔包攬裹糧減從親與機戶覩面交易較之往年每疋節省價銀二分八釐計布十萬疋共節省銀二千八百兩呈請照例議敘并將用過價銀水腳銀數款項造冊前來臣查核無異所有動用款項應聽部臣核銷至承辦之蘇州府督糧同知金鑑實心任事革絕陋規似與節省二千兩以上准予議敘之例相符理合一并

題明聽部核議除冊送部外伏乞

睿鑒施行

題爲謹陳調劑驛困之法以杜耗費以清款項事
竊惟驛站之設所以通

命令而速章奏甚重也仰賴

皇上聖德天威海寓甯謐無軍機重務星夜奔馳
之事而皇華之使與海外殊域朝

覲貢獻未嘗不絡繹於道臣屬江蘇等七府一州

爲浙閩江廣之衝所屬縣驛額編錢糧先於敬陳
減差案內裁減十分之四後奉

恩照准復二分近於驛遞之差使甚少等事案內
將復二錢糧查明議裁已經具疏

湯子遺書卷二

異

題明候部議覆矣惟是臣屬驛遞旣號衝繁而淮
揚徐州等處復多荒缺向例凡災荒蠲停不敷之
項按年查明缺額數目於司庫撥給造冊咨部核
銷臣以平日所聞參之今日目覩知司庫支領不
便者四請約畧爲我

皇上陳之藩司駐劄蘇郡而淮揚等屬近者五六
百里遠者千里至於徐州屬縣則有千二三百里
者矣渡黃河涉大江波濤之險道路之虞皆所不
乏此旣赴司起解彼又赴司支領往返徒勞跋涉
卽隨到隨發當亦浹月經旬設或稍有愆期則守

候更須時日夫馬敷敷豈能懸待此不便者一也
司驛各官每日應付差使勢不能親身赴領或委
家屬或遣衙役所委之人豈皆忠信無欺或有浪
費或有疏虞或借衙門使用以侵漁或假長途水
腳而那空夫馬枵腹何堪中飽此不便者二也司
庫撥補一應錢糧雖臣再三嚴禁不至扣剋需索
然而耳目有所難周况藩司事務繁冗豈能一一
覺察則投批領文之間保無胥役作奸措勒使費
以打點之厚薄爲給發之遲速者乎此不便者三
也驛站錢糧係夫馬計口之需必須按日給發荒
湯子遺書卷二

吳

缺之項不得不隨時撥補在司庫或因原款屬解
不前或因別項動撥已盡往往不能按年按款有
以別年之銀而撥此年之用者有以此款而應彼
項之需者每煩部臣核駁經年累月完結無期此
不便者四也臣查河工錢糧經總河臣靳輔

題明凡荒缺不敷銀兩得於起運銀內就近撥補
今驛站雖不敢比例河工亦係按日給發萬難缺
少之項今既減定額數所有原編不敷及荒缺蠲
停應補銀兩應請比照河工例卽於本州縣地丁
實徵銀內就近撥足如本州縣地丁偶遇災荒蠲

免不能足額卽於附近鄰封州縣應解裁站銀內
按數協抵每年藩司會同驛傳道預定確數行各
州縣遵依一面報臣衙門察考蓋鄰封州縣體勢
相等無打點使費之需無措勒短少之弊無跋涉
險阻之虞仍各於地丁驛站奏銷冊內開列註明
款項既得清楚造報亦易稽核寔爲至便臣查准
揚徐州等屬地丁錢糧除荒缺蠲停及應解河工
倉漕等款外仍有應解司庫充餉之數今以應解
之銀扣抵本地應補之項而將附近成熟州縣裁
站銀兩應協別屬者統歸司庫充餉總之各屬驛

湯子遺書卷二

辛

站錢糧解司者不必支領支領者不必解司既可
免縣驛解領守候之苦又可杜侵漁扣剋之弊更
可省牽混核駁之繁一舉而數善備焉如慮鄰封
州縣勢位相敵彼此膜不關切或有愆期不妨申
請藩司行文嚴催凡在屬邑誰敢不遵何必解司
轉發多此煩勞臣嘗以公事接見屬員詢問地方
疾苦言及赴司解領站銀莫不蹙額相向卽布政
使章欽文亦恐司役借端作弊不能覺察獲罪求
歸各州縣自行支發近又因裁減復二站銀不堪
再有旁費致驛路頽弛所關非細故敢比例

題請如果_臣言不謬伏乞

睿鑒勅部議覆施行

特舉卓異疏

題爲特舉卓異教職以示鼓勵事竊惟三年計吏
乃

朝廷激濁揚清之大典卽唐虞三載考績黜陟幽
明之遺意也_臣恭承

簡命鎮撫東吳夙夜孜孜以察吏安民爲念每屬
員公務接見諄諄告誡以人臣幸逢

堯舜之主真千載難逢之會若不能潔己奉公愛
湯子遺書卷二

養斯民有玷

盛世不但法所難容卽夢寐何能自安况我

皇上巡狩江南_臣屬官員皆得親見

天顏恭聆

聖諭一時羣寮莫不感激奮發爭自濯磨吏治頗
稱丕變茲康熙二十四年奉

旨舉行

大計_臣一准部文卽通行司道府州將所屬大小
官員嚴加甄別仰副我

皇上澄清吏治至意除貪酷不職有干八法者另

列露章糾參并分別註冊聽候部院諸臣考察請
旨處分外惟是薦舉卓異官員必得才守兼優政
績超著者方不愧斯選而定例內又必本任并無
未完錢糧盜案始得推舉臣屬地方繁劇十倍他
省雖有練達之才清謹之操或掛議於考成或戴
罪於緝捕得追參罰者十無一二如松江府知府
魯超品格端凝才猷練達剔漕釐賦具有成績吳
縣知縣劉滋才識通敏繁劇裕如吳江縣知縣郭
琇風節矯然催科不擾上海縣知縣史彩清潔自
持競練俱化通州知州邊聲揚端謹飭躬寬和敷
湯子遺書卷二

三

政各官皆品行卓然而積逋未清難登薦剡又如
高淳縣知縣張象翀清靜爲理撫字惟勤六合縣
知縣洪煒居心愷悌士習民安雖無參罰之案而
康熙二十三年奏銷

赦前皆有微欠績經完解尙未報銷一槩不敢正
薦臣再三斟酌旣不敢濫及於例外又不敢竟虛
此

大典惟教職一途士習文風所關甚重邇來闕茸
者多人皆厭薄然由人負官非官輕人也我

皇上聖學淵深文治休洽各官亦多刻意砥礪臣

矢公廉訪合之藩臬道府之揭報堪膺卓異者一人謹爲我

皇上陳之

計開

松江府儒學教授陸在新由舉人蘇州府長洲縣人據松江府知府魯超考得本官律躬造士文教興行才守兼優允堪師表宜膺循卓之褒蘇松督糧道副使劉鼎考得本官課士克勤律身有範無忝藝林師表江蘇按察使丁永譽考得本官潔己誨士文教聿興堪稱司鐸良才江蘇布政使章欽湯子遺書卷二

五

文考得本官文行兼優訓課有則允堪多士師表該臣考得本官盡心職業力行古道庶幾蒲藿之風

一本官研究先儒性理之學淡泊自甘砥礪行誼又畱心經濟如水利農田興除因革皆能悉其原委確有實學

一本官勤於訓迪每月集諸生明倫堂課藝講解寒暑不輟更嚴飭諸生遵守學規不許出入衙門干預外事

一本官奉文講解鄉約朔日在城望日起鄉宣揚

上諭十六條兼講孝經小學刊刻善本編散民間
誦讀風俗爲之頓改

一本官應本府知府魯超延聘於義學講書課文
日有程課贄儀一槩不受教化興行

此一官者爲學力追先型司教克端士習更能闡
明孝經小學之旨使共識明倫敦本之修有裨風
化不愧儒林所當特舉以備拔擢御請

勅下部院察議如果臣言不謬將陸在新照例優
敘以示鼓勵以光

大典相應具

湯子遺書卷二

題伏乞

睿鑒施行

欽奉 上諭疏

題爲欽奉

上諭事康熙二十三年九月

皇上特頒

恩詔東巡十月渡黃河歷淮揚幸蘇州十一月壬

戌朔

回鑾幸江甯駐蹕二日初四日乙丑

聖駕出石城門

御龍舟

天顏甚豫軍民數十萬夾岸持香呼萬歲直達七
里洲文武大小官員及鄉之紳衿皆公服分班跪
送至燕子磯洵爲千載未有之曠遇

駕過下關

上諭停舟

諭總督臣王新命巡撫臣湯斌薛柱斗等曰

朕向聞江南財賦之地今觀民風土俗通衢市鎮
似覺充盈至於鄉村之饒民情之樸不及北方皆
因粉飾奢華所致爾等身爲大小有司當潔己愛
湯子遺書卷二

聖

民奉公守法激濁揚清體恤民隱務令敦本尙實
家給人足以副朕望老安少懷之至意欽此臣新
命臣斌臣柱斗前跪奏曰江南風俗浮華人心澆
漓誠如臣王新命臣湯斌等請旨臣等曰

聖諭今世

皇上巡行洞悉民隱

天語申飭仰見我

皇上無一時刻不以民生風俗爲念無一事一

物不在

睿鑒照臨之中卽堯仁如天舜德廣運亦不是過

臣等自當欽遵潔已率屬加意撫綏祉黜浮華敦崇樸實並遍諭百姓務使窮陬僻壤士敦禮讓民尚淳朴仰副

皇上諄諄德教至意仍於江甯蘇州安慶三處立石大書深刊以垂永久除江甯安慶二處應聽總督臣王新命安徽撫臣薛柱斗建碑另報外該臣卽率江蘇布政使章欽文蘇松道副使劉鼎并府縣各官採石於山得石碑一座計碑身高一丈闊五尺厚一尺交龍碑頭高二尺五寸全龜碑座高二尺五寸加之琢磨表裏光瑩謹誦吉日恭捧

湯子遺書卷二

美

聖諭及督臣與臣等奏對緣由擇素工楷書者書丹更易數手皆過於矜持風度微減惟原任戶部右侍郎臣李仙根所書雖微帶行體而筆勢遒逸可觀遂遴選良工飭令敬謹鐫刻仍相度蘇州胥門外運河之上地勢廣平羣山環拱清溪迴遠遠通太湖爲人煙輻輳浙閩往來孔道仕宦商賈舟楫絡繹因於其地鼎建碑亭一座負坎面離繚以周垣樹以崇門旣嚴以肅敬立

穹碑於上遐邇瞻仰萬姓歡呼工費皆諸臣捐俸不動正帑不勞民力已於康熙二十四年九月二

十四日告成伏惟

天語煌煌昭垂萬古如堯典禹謨同光日月自今
官稟典常民遵彝憲所謂皇極敷言是訓是行以
近

天子之光

聖澤汪濊與滄海長江永永無極矣臣謹具疏併
碑文摹搨裝裱長幅一軸冊葉一函進呈

御覽伏乞

皇上睿鑒施行

災田糴糧米色難期純一疏

湯子遺書卷二

七

題爲災田完漕維艱米色難期純一謹請紅白兼
收以恤災黎事竊照淮屬邳州海州山陽清河鹽
城桃源宿遷睢甯沐陽揚屬高郵泰州江都寶應
興化及徐州并所屬蕭沛碭山等州縣去秋霪雨
爲災更加黃淮交漲田禾淪沒秋成絕望臣經照
例委官勘明會

題又經總漕臣徐旭齡將漕糧漕項會疏

題請分年帶徵荷蒙

皇上軫念災民特遣戶部侍郎臣蘇等馳至

察勘確議賑濟白叟黃童靡不感頌

聖德靜候

恩綸於康熙二十四年十二月二十四日接到部覆內開除漕糧漕項例不蠲災外地畝錢糧被災九分十分者照例免其三分七分八分者免其二分五分六分者免其一分等因災田地丁等項已荷

蠲免之恩惟是漕糧漕項未允緩徵臣卽飭行各屬速催徵兌起運以副漕限隨據各該州縣紛紛申詳咸稱今歲被災最重汪洋千頃今時已歲暮卽敲骨吸髓亦難副冬兌冬開之限籲請再叩

湯子遺書卷二

庚

皇恩緩至明春臣查宿遷興化邳州鹽城高郵五州縣康熙二十四年下半年康熙二十五年上半年地丁各項錢糧特奉

上諭豁免其餘被災州縣錢糧亦已照例蠲恤則淮揚士民受災雖重蒙

恩已深况漕糧例不蠲災已奉
俞旨凡在土民自當勉力輸將以報

皇仁何敢再請寬緩隨卽批飭設法勸徵尅期兌運毋得延緩去後而各屬又復申請以本處地產紅稻向例納漕用純紅米色今本地旣無收穫勢

必告糴外郡安得純紅米色請

題明准其紅白兼收等情臣查本地無米遠方採買時日已迫又責其一色徵收此萬難得之於災民者也查康熙十九年被災州縣漕糧原蒙

恩准紅白兼收買糶搭兌成例具在今康熙二十四年分被災田地漕糧仰懇

睿慈准照十九年之例紅白和稷並收俾災黎拮据措辦告糴外郡竭力輸納庶漕運不至遲誤查江北漕糧例限十二月以內過淮今部咨於十二月二十四日始到晝夜追呼災民實屬無措不敢湯予遺書卷二

不冒昧籲請

五

詞具 皇仁 臣謹會同總督臣王新命總漕臣徐旭齡合

題伏乞

睿鑒施行

請免並徵陳賦疏

題爲欽奉

上諭事據江蘇布政司署司事蘇松督糧道副使劉鼎詳稱該臣看得淮安府屬邳州素稱荒瘠遞年水患頻仍瘡痍未起康熙十八年至二十二年

地丁民欠錢糧業於理財用人等事案內奉

旨分年帶徵小民獲免並徵之累正藉年歲豐稔得以按欠徵輸早清夙逋仰副

朝廷寬恤之仁不意上年復遭異常水患田禾盡被淹沒流離慘苦不堪見聞

皇上勤求民瘼

渙發諭旨准將康熙二十四年下半年二十五年上半年地丁各項錢糧俱與豁免復准動支淮鳳等倉米麥散給賑濟

恩綸下沛萬姓歡呼惟是康熙十八年未完錢糧

湯子遺書卷二
應於二十四年帶徵完解屢據該府州籲請

題蠲臣念該州被災雖重已荷

特恩蠲免未敢遽爲率請今據署布政司事蘇松督糧道副使劉鼎詳議請將康熙十八十九二十十一二十二年未完錢糧緩於二十五年起挨次分年帶徵前來臣查該州田地上年重罹水患顆粒無收被災遺黎見在藉賑存活應徵舊欠之小民卽係被淹之災戶見徵錢糧尙蒙破格蠲恤若此舊欠地丁不能免追呼之擾是

皇上浩蕩洪恩災黎猶未盡沾也仰懇

皇仁俯將該州康熙十八等年未完錢糧緩至二十五年起分年帶徵完解一轉移間在國賦毫無虧損而災民得邀寬恤感沐

聖恩無既矣伏乞

睿鑒勅部議覆施行

請節浮冒疏

題爲驛遞之差使甚少復三之站銀實多謹陳管窺節浮冒以裕

國課事據江蘇布政司布政使章欽文江南驛傳道僉事范永茂會詳等情到臣據此除移咨事案

湯子遺書卷二

空

內議裁站快等船水手工食銀九百七十二兩先經會疏具

題外該臣看得江蘇等八府州屬驛站項下

恩詔案內復給二分錢糧先准部覆通行照安徽議裁之處查明具題行據各屬咸以下江驛遞衝繁萬難裁減紛紛詳籲臣以部文通行議裁且上江下江同爲一省豈得獨異用是仰體撙節至意議照安屬裁減具

題然畱六銀兩誠難足用臣疏已明言之續准部覆令將裁四畱六銀兩造具衝僻清冊送部查核

遵卽備行江蘇布政司江南驛傳道轉飭各屬查
造去後今據布政使章欽文驛傳道僉事范永茂
詳覆前來臣反覆躊躇不敢過執前說以誤郵傳
竊以江蘇常鎮淮揚徐各府州屬爲南北咽喉九
省通衢今雖海隅蕩平而各省解餉外國
貢獻與夫緊急章奏勘合火牌絡繹不絕陸需馬
水需驛夫往來奔馳會無甯晷近又運送

龍袍改由陸路更宜敬慎故與安徽雖同爲一省
而衝僻較若天壤臣自議裁之後隨有荒缺蠲停
就近撥補之請蓋亦從萬難措處中聊爲補救衝
湯子遺書卷二

全

驛之計部覆未允則別無調劑驛困之法司郵之
官恐致馬斃夫逃公務廢阻紛紛控籲殆無虛日
况山東河南驛站復給錢糧俱奉免裁臣屬之水
陸交衝較他省實難並論若不據實上陳尙致貽
誤急差爲罪非細仰懇

皇上俯鑒臣屬驛站較安徽繁簡實屬懸絕准將
極衝各驛

恩詔案內復給銀兩照數仍畱其次衝稍衝僻遞
原復銀一萬一千九百六兩二錢自康熙二十四
年十月初七日奉

旨之日爲始扣算截裁康熙二十五年以後照數充餉庶節省冗費之意與調劑驛困之法並行而不悖矣除將該司道造到裁留款項清冊送部查核外臣謹會同總督臣王新命合詞具

題伏乞

睿鑒勅部議覆施行

請 旨行取疏

題爲請

旨行取事據署江蘇布按二司事蘇松督糧道副使劉鼎呈詳前事該臣看得行取官員以備言路

之選誠

全

聖朝用人之大典也臣一准部文隨行布按二司選擇開報惟是部行必無錢糧盜案官員方准咨送而臣屬地方賦重役繁甲於天下實與他處不可同日而語故銓選時掣得此缺便形神沮喪親朋爲之惋惜以爲半生功名付之逝水自非志趨堅定不以升沈利鈍介懷者未有不頽然自放甘心以不肖爲歸者也臣奉

命撫吳以來首以察吏安民爲念無時不告誠屬員以我

皇上至聖至神超逾百代求賢圖治宵旰弗遑且知人之明出自天授爲臣子者苟能仰體

聖心潔己愛民決不至沈埋下寮反覆申諭舌敝筆秃故一時守令爭自濯磨操守廉潔政績表著者實不乏人然稽其錢糧考成則萬萬不能十分全完蓋勢處其難智勇才力無所用也今奉文行取若拘定成格必以台例之官咨送勢必以僻壤小邑易於藏拙者塞責此其人卽倖叨選用未必能光

大典况斷不能逃我

湯子遺書卷二

審

皇上之睿鑒則臣濫送匪人之罪無可辭矣若真知其人而隱不舉聞則蔽賢之罪與濫舉等臣採訪再三查有蘇州府屬吳縣知縣劉滋操守端嚴蒞事精敏興行教化勸課農桑廉能之績最著又吳江縣知縣郭琇居心恬澹風骨堅凝撫字能勤訓迪不倦士民之稱頌如一此二官者並無未完承緝盜案惟經徵帶徵各年正雜錢糧不能如額臣於

大計薦舉卓異疏中亦曾列其廉能祇以格於定例未敢開入正薦已荷

皇上睿照查吳縣吳江縣錢糧自康熙十九年起至二十二年止俱奉文停徵至康熙二十四年始分別按年帶徵其康熙二十二二十三兩年地丁錢糧俱經

奏報全完止有康熙二十四年并帶徵十八年地丁漕項及各年蘆課雜稅與承追前任侵那各案俱有尾欠尙在年限之內查二縣錢糧歷年不能全完今二官兩年地丁錢糧全完則非二官之才短情徵可知也臣查前督臣阿 前撫臣慕

任內有常熟縣知縣林象祖上海縣知縣任辰湯子遺書卷二

奎

且亦以錢糧未完與例不符曾經會疏

題請奉

旨破格擢用今劉滋郭琇二官臣實真知其才品久洽輿情茲據署江蘇布按二司事蘇松督糧道副使劉鼎暨蘇州府知府胡士威交薦合以臣之見聞無異然臣終不敢自信一己之見違例輕舉復又咨商督臣隨准移覆二官清操卓越敷政精勤堪膺行取之選是亦從愛惜人才起見臣思以人事

君爲臣子之大義用是冒昧比例具

題仰懇

皇上俯鑒准破格錄取俾循良之官益知感奮而地方之繁劇與兩邑相等者亦知有登進之階相率而爲良吏以仰副我

皇上圖治安民之意所關匪淺鮮也臣謹會同總督臣王新命合詞具

題伏乞

勅部議覆施行再照此案以准到部文之日爲始內除年節封印日期扣該康熙二十五年二月十六日限滿因備細採訪稍稽時日逾違未及一月湯子遺書卷二

相應一併

題明

解送布疋疏

題爲外省採買解送布疋事據江蘇布政司布政使章欽文詳前事該臣看得青藍布疋原准部文因在京採買皆係短窄粗糙故行江南每年採買寬長細密好布十萬疋解部業經轉行布政司遵照將康熙二十二二十三兩年應辦布疋分委蘇州松江常州三府官員照數採買赴部交收其青布每疋價染銀五錢二分九釐藍布每疋價染銀

四錢七分九釐每疋各給水腳銀五分四釐原係
陛任撫臣余國柱王新命核實無浮具

題在案所有康熙二十四年應辦之布臣以爲從
前皆委微員採辦恐此輩稍有不慎必致有布疋
掛欠錢糧朦混等弊故據布政司詳總委蘇州府
同知金鑑於司庫支領見銀前往產布地方採辦
以速起解臣經再三申飭加意節省續據開報青
布每疋價銀五錢一釐藍布每疋價銀四錢五分
一釐每疋給水腳銀五分四釐較之康熙二十二
二十三兩年之價每疋減銀二分八釐計節省銀
湯子遺書卷二

七

二千八百兩臣見前兩年未經部駁今次稍稍節
省可以無過隨據以

題銷今准部覆青布每疋定價銀三錢四分藍布
每疋定價銀三錢一分嗣後每年照此採辦解送
并將節年核減價值并水腳銀兩速追解部等因
行據布政使章欽文具詳前來臣查此布細密寬
長非比民間所用短窄粗糙之布別處之民皆不
諳織辦惟松江府上海縣所屬三林塘地方出產
卽京師百貨聚集之處採買亦自難得故仍行江
南採辦夫物有美惡不同則價有低昂不等在康

熙二十二十二三年報銷之價業已無浮至二十四年更加節省其所給之價俱係當日與民交易按布給發今部定之價核減幾半欲追於民則買布之時原未登記姓名無可查追僉追之官則官之俸銀有限將用何物包賠當今

功令森嚴

皇上視民如傷有司日用蔬薪擅用官價卽干吏議若歲辦十萬疋細密寬長之布而用官價勒取民誰肯服倘出產地地方民畏賠累相率遠遁則以後應辦之布必致有誤亦地方官之責也至於水湯子遺書卷二

矣

腳一項凡長途挑運僱船僱車起剝添夫以及包索等項無不取資於此若盡行裁減豈能神輪鬼運而至乎今據該司請將康熙二十二二十三三年原報布價照依二十四年每疋亦減銀二分八釐又共減銀五千六百兩計青布每疋實請銷銀五錢一釐藍布每疋實請銷銀四錢五分一釐每疋給水腳銀五分四釐以後各年價值仍應照時確估報銷除據報核減銀兩批飭該司速追另報外相應據以具

題伏乞

睿鑒勅部核銷施行再照此案於康熙二十四年十月十八日准咨除年節封印二十三日扣該康熙二十五年三月初十日限滿合并陳明

蠲免丁額疏

題爲丁額科則獨重包賠苦累實深懇懇亟賜

題獨以安子遺事據江蘇布政司布政使章欽文詳前事該臣看得山陽縣地最衝疲而丁徭一項又最爲繁重蓋淮屬最大州縣不過六七萬丁小者常不及萬而山陽一縣原額人丁至一十六萬三千六百九十八丁編銀至三萬七千二百餘兩

湯子遺書卷二

充

此諸屬之所未有者也當年歲豐稔得以按編徵輸民力亦自無餘迨康熙七年以後疊罹河患民生日蹙康熙十五年編審清查缺額至四萬二千六百餘丁時因需餉殷繁未敢遽請蠲除仍照舊額徵收小民包賠苦累已非一日至康熙十九年前撫臣慕 飭司府清查除陸續招徠復業并清出新丁抵補外仍有實缺人丁二萬九千八百二十六丁於淮民累苦已急等事案內具題部覆奉有

俞旨自康熙十九年爲始准照見在人丁徵輸積

困頓甦不意於康熙二十年編審案內因部支駁查至二十二年覆准仍照原額徵解查此項缺額丁銀於二十年始奉准蠲卽於二十年編審一年之內長養幾何今二十四年應徵丁銀已荷皇恩蠲免萬姓感頌無斃矣所有二十二年缺丁銀兩應於二十八年帶徵其二十三年缺丁銀兩在見徵未完數內有司仰遵

功令非不盡力追呼奈徵比無人勢必責令見丁包賠連年水旱疊告災傷異常見在遺黎賴我

皇上宏仁蠲賑得以僅存應徵之賦尙苦供輸維

湯子遺書卷二

卅

艱此項缺額人丁豈能責令包賠况宿遷桃源安東沐陽等縣浣溺流移人丁見於決口地廢等事各案內照舊停免山陽故絕無徵丁銀亦係崑案題蠲事同一例仰懇

皇仁垂鑒山陽丁繁則重災傷頻仍卽今現徵一十三萬三千八百七十餘丁已屬艱難將二十二兩年缺額丁銀

特賜豁免其二十五年以後俟今次編審明有無增補照實在見丁徵收庶災黎獲免包賠哀鴻得以安集將來長養生聚日漸殷繁可以足額裕賦

於無窮矣臣因里民控籲該江蘇布政司布政使章欽文署布政司事蘇松督糧道副使劉鼎先後詳議前來除將印結送部外臣謹會同總督臣王新命合詞具

題伏乞

睿鑒勅部議覆施行

詳陳蘆課辦銅之艱疏

題爲詳陳蘆課辦銅之艱仰祈

睿鑒事據江蘇布政司布政使章欽文詳該臣看得部行於江甯撫屬蘆課銀內動支銀一萬一千湯子遺書卷二

主

五十兩辦銅十七萬觔解交寶源局等因案經轉行布政司遵照續據該司以江省非產銅之地必採買於外省定價不敷請照各屬額徵蘆課多寡分行州縣多方購覓以速起解當經咨明部臣在案除康熙二十四年所派銅觔已飭各屬勉力採辦赴部交收外茲據江蘇布政使章欽文詳稱康熙二十五年蘆課銅觔飭行各屬遵照採買各州縣咸以賠補艱難籲請停辦前來臣查錢局需用銅觔向於各關稅銀內動支辦解因蘆課錢糧當年亦差蘆政部司經收故照關差一例辦銅迨後

蘆政衙門奉裁課銀歸併有司徵解時因銅價騰貴外省停鑄惟京局所需之銅止令關差動支稅銀辦買而不及於蘆課誠以此項銀兩在小民係計畝輸將在州縣按則徵解歲有定數非若關稅按貨征收歲額之外稍有盈餘可以通融補劑者比今部定銅價每觔止銀六分五釐而各處時值則有一錢五六分以至一錢七八分不等是時價之與定價不啻三倍况江甯所屬每年派辦十七萬觔爲數旣多一時採買價值更加騰湧重以領解員役舟車盤剝需費浩繁雖康熙二十四年各

湯子遺書卷二

五

州縣勉力捐賠辦完起解然後難爲繼今康熙二十五年各屬紛紛具詳臣查銅觔定價旣有不敷採買解交更多賠累若不變通將來各官賠補無力必至科派那移官民交困仰請

皇上俯鑒蘆課與關稅不同停其辦買銅觔其應徵之銀照舊充餉如或錢局必需萬不可缺亦懇皇上勅部於每觔定價六分五釐之外照依時值酌量加增庶承辦之官不至有賠累之苦則那移錢糧科派州民之弊可免而京局鼓鑄急需亦得無誤矣臣謹會同總督臣王新命合詞具

題伏乞

睿鑒施行

借帑買米平糶還庫疏

題爲借帑採買米石已經平糶還庫臣謹會疏

題明仰祈

睿鑒事據江蘇布政司布政使章欽文詳前事該
臣看得淮揚徐三屬上年夏秋霪雨爲災饑民載
道經臣會同督漕河諸臣節次具疏

題報併借動司庫開濬白茆孟河溢收捐輸事例
銀五萬兩遴委蘇州府同知劉三傑松江府同知
湯子遺書卷二

三

李經政前往江西湖廣等處採買米石運回賑濟
荷蒙

皇上懷保之仁特差部臣蘇赫來南察勘回

奏請動鳳徐淮三倉餘贖米麥并各屬節年積穀
及勸捐銀米等項發賑已奉

俞旨所有前動司庫銀兩亟應補還原項隨經飭
行布政司就見買米石作速運回照依江楚原買
價值平糶至未經買米銀兩竟行齎回還項去後
今據布政使章欽文詳稱原動司庫銀五萬兩內
未經買米銀二萬六千一百五十七兩一錢三分

零先經繳回還項外其買米銀二萬三千八百四十二兩八錢六分零已將買到米石運至重災地方照依原價平糶見銀俱經補還庫項等情前來臣查動支司庫銀兩原係再陳水利等事案內溢收捐輸之款見於該案內准有部文行令解部今既照數還庫應仍聽於原案內解部交收相應題明臣謹會同總督臣王新命總漕臣徐旭齡合詞具

題伏乞

睿鑒施行

湯子遺書卷二

恭謝 天恩疏

奏爲恭謝

天恩事臣接准吏部咨文內開爲欽奉

上諭事康熙二十五年三月二十日奉

上諭諭吏部自古帝王諭教太子必簡和平謹恪之臣統領宮僚專資贊導江甯巡撫湯斌在講筵時素行勤慎朕所稔知及簡任巡撫以來潔己率屬實心任事允宜拔擢大用風示有位特授爲禮部尙書掌管詹事府事其現任詹事郭棻少詹盧琦歸允肅著照舊留任其詹事朱瑪泰著對品調

用少詹喇拔色度著解任照伊原品隨旗上朝爾
部卽遵諭行特諭欽此欽遵移咨到臣准此
寵命自天驚惶無地當卽虔設香案望

闕叩頭謝恩訖伏念臣至愚極陋蒙我

皇上起自田間俾列侍從拔置臣講筵記注

聖政編輯

祖訓總裁史局數年之內屢荷

天恩驟遷學士自顧謏劣深愧非分乃蒙

特簡出撫江蘇陛辭之日

天顏和霽獎勵有加賜賚優隆恩溢格外臣負乘

湯子遺書卷二

善

滋懼覆餗是虞受事以來夙夜兢兢惟思勉策駑
鈍以圖報稱於萬一而才薄事繁力輕任重拮据
雖勤涓埃莫効叢挫屢見俱荷

聖恩優容臣每捧接

溫綸感激涕零以爲際遇之隆千載難覩而又自
念精力漸衰心血枯槁常恐終至隕越孤負

聖慈何期復承

寵命不次超擢

特旨褒嘉榮逾華袞臣何人斯當茲異數敬惟

皇太子徇齊天縱敦敏日新我

皇上諭教宮中寒暑罔間

神聖指授自有精一心傳豈臣下所能仰贊高深

况臣學識疏陋尤在諸臣之下乃荷茲重任跼踖

屏營罔知所措敢不益矢恪恭勉思襄贊且臣職

司封疆心依

黼座茲得再瞻 紫極拜舞 龍墀犬馬微忱不

勝踴躍臣將屈限 欽部事件逐一清理卽交印

督臣星馳赴

闕另將起行日期

題報外謹先具疏恭陳

湯子遺書卷二

謝悃伏乞

睿鑒臣無任惶恐戰栗之至

請錄先賢後裔疏

題爲請 錄先賢後裔以彰

聖化事據江蘇布政使司布政使章欽文呈詳前

事該臣看得歷代賢主莫不褒崇儒學優禮先聖

而

本朝尤爲明備孔顏曾孟及先賢仲由先儒朱熹

子孫皆世襲五經博士我

皇上崇儒重道復錄程顥程頤子孫

聖駕東巡錄周公子孫近又錄周敦頤子孫皆世襲博士聖賢後裔盡承異數甚盛典也臣躬逢

聖朝愧無以仰助

文治謹按臣屬蘇州府常熟縣爲先賢言偃故里偃以文學著稱絃歌之化深契聖心其學道愛人一語可爲治行之準所稱行不由徑非公不至可爲取人之法蓋以詩書禮樂爲孜孜以人才風俗爲先務視有勇足民精粗不侔矣嘗考禮記檀弓所載時人問禮者十有四皆以子游一言爲可否蓋其考禮論道必貴知本不僅在器數儀文之湯子遺書卷二

七

末可謂得聖學之精華者矣且孔門諸賢多產魯衛密邇聖居興起爲易獨偃生長句吳政教之所不通乃能奮起遐荒化學洙泗開東南數千年人文之盛其功之所及尤大且遠而後裔未獲邀一命之恩實爲闕典恭惟我

皇上神聖天縱集堯舜以來之大成旣已海內又安治化蒸蒸更修明典禮表章先哲文治之隆萬古爲昭倘蒙

聖恩念偃之賢比例仲由錄其子孫於以光大治化昭示來茲裨益良匪淺鮮矣抑臣更有請者孔

門弟子如閔損冉耕冉雍端木賜卜商有若諸賢其造詣雖不無淺深要亦顏曾之流亞若蒙

勅下禮部會同翰林院詳加酌議行各直省訪其子孫量賜錄用補前代未備之典章實

熙朝不朽之盛事也臣又考宋太祖真宗高宗皆嘗親製孔子及諸弟子像贊故一代儒臣號稱最盛我

皇上道本生知學深宥密天文炳煥暉麗日星薄海臣民莫不顛仰倘

萬幾之暇揮灑

湯子遺書卷二

宸翰

御製先聖先賢像贊頒示天下學宮傳之史冊當與典謨並重

熙朝人文之盛必將駕漢逾唐比隆三代豈近世所敢望哉臣因諸生之請據布政司呈詳前來臣謹會同總督臣王新命提督學政臣李具合詞

題伏乞

睿鑒施行

請毀淫祠疏

題爲淫祠敗壞風俗已極請

嚴綸申禁以正人心以維世道事

臣

才具庸劣奉

命撫吳

陛辭之日蒙我

皇上諄諄誨諭以移風易俗爲先務

聖駕南巡又

諭以敦本尙實使民還淳返樸

臣仰承

德意月吉齊集士民講解

上諭十六條又定期至學宮講孝經小學使人知

重倫常而敦實行一年以來風俗亦漸改觀竊以

湯子遺書卷二

堯

吳中之俗尙氣節而重文章闡詩書以著述相
高固天下所未有也但其風涉淫靡黠者藉以爲
利而愚者墮其術中爭相倣效無所底止如婦女
好爲冶遊之習靚妝豔服連袂僧院或羣聚寺觀
裸身燃臂虧體誨淫至於斂錢聚會迎神賽社一
旛之直可數百金刻造馬弔紙牌編作淫詞豔曲
流傳天下壞人心術婚喪不遵家禮戲樂參靈絲
服送喪仁孝之意衰任卹之風微而無賴少年教
習拳勇身刺文繡輕生好鬪名爲打降如此之類
不可枚舉

臣

皆嚴加禁飭委曲告誡今寺院無婦

女之跡河下無管絃之聲迎神罷會豔曲絕編打
降之輩亦稍稍斂迹若地方有司守臣之法三年
之後可以返樸還淳且浮費簡則賦稅足禮樂明
而爭訟息固吳中之急務也然此皆地方官力所
能行不敢上煩

諭旨惟有淫祠一事挾禍福之說年代久遠人人
膏肓非奉

天語申飭不能永絕根株蘇松淫祠有五通五顯
及劉猛將五方賢聖諸名號皆荒誕不經而民間
家祀戶祝飲食必祭妖邪巫覡剝爲怪誕之說愚
湯子遺書卷二

全

夫愚婦爲其所惑牢不可破蘇州府城西十里有
楞伽山俗名上方山爲五通所踞幾數百年遠近
之人奔走如鶩牲牢酒醴之饗歌舞笙簧之聲晝
夜喧闐男女雜還經年無時間歇歲費金錢何止
數十百萬商賈市肆之人謂稱貸於神可以致富
借直還債所報必豐里諺謂其山曰肉山其下石
湖曰酒海耗民財蕩民志此爲最甚更可恨者凡
少年婦女有殊色者偶有寒熱之症必曰五通將
娶爲婦而其婦女亦恍惚夢與神遇往往羸瘵而
死家人不以爲哀反豔稱之每歲常至數十家視

河伯娶婦之說更甚矣夫蕩民志耗民財又敗壞風俗如此

皇上治教如日中天豈容此淫昏之鬼肆行於光

天化日之下臣多方禁之因臣以勘災至淮益肆

猖獗臣遂收取妖像木偶者付之烈炬土偶者投

之深淵檄行有司凡如此類盡數查毀撤其材木

備修學宮葺城垣之用民始而駭繼而疑以爲從

前曾有官長厭其妖妄銳意除之神卽降之禍殃

皆爲臣危之數月之後見無他異始大悟往日之

非然吳中師巫最黠而悍誠恐臣去之後必又造

湯子遺書卷二

全

怪誕之說箕斂民財更議興復愚民無知必復舉國猖狂不可禁遏請

賜特旨嚴禁勒石山巔令地方官加意巡察有敢

興復淫祠者作何治罪其巫覡人等盡行責令改

業勿使邪說誑惑民聽

天威所震重寐當醒人心既正風俗可淳更通行

各直省凡有類此者皆行禁革有神世道非渺小

矣爲此具

題伏乞

睿鑒勅部議覆施行

恭報起程疏

題爲恭報微臣交代起行日期仰祈
睿鑒事准吏部咨爲欽奉

上諭事內開康熙二十五年三月二十日奉

上諭諭吏部自古帝王諭教太子必簡和平謹恪
之臣統領宮僚專資贊導江甯巡撫湯斌在講筵
時素行勤慎朕所稔知及簡任巡撫以來潔已率
屬實心任事允宜拔擢大用風示有位特授爲禮
部尙書掌管詹事府事其現任詹事郭棻少詹盧
琦歸允肅著照舊留任其詹事朱瑪泰著對品調
湯子遺書卷二

全

用少詹喇拔色度著解任照伊原品隨旗上朝爾
部卽遵諭行特諭欽此欽遵相應行咨爲此合咨
前去煩爲欽遵查照施行等因到臣准此除經恭
設香案

望

闕叩頭具本謝

恩外伏念臣才本疏庸學復固陋遭逢

聖主屢荷

殊恩撫吳以來刻自砥礪冀圖報稱於萬一而縲
短汲深勤不補拙蚤夜旁皇懼負罪譴乃更蒙我

皇上優擢不次驟列正卿秩宗爲典禮之司端尹
實宮寮之長以臣庸碌處之忝竊已極循躬自思
惶悚無地然臣久離

闕下今得瞻仰

天顏不勝欣忭敢不星趨就道冀竭螢燭微照仰
承

天光臣將任內一切奉行

欽部事件文卷逐一清理并將

欽頒關防

王命旗牌於康熙二十五年四月十六日專差蘇
湯子遺書卷二

全

州府同知賈光先協同中軍遊擊李虎齎送總督
臣王新命暫行署理臣卽於本日束裝起行赴京
所有交代起行日期相應具疏

題報伏祈

睿鑒施行

特舉賢才疏

奏爲特舉賢才以備

聖恩簡用事竊惟詹事官僚曩導

儲闈職司綦重臣以疏庸謬忝端尹夙夜孜孜深

懼曠官仰惟

皇上

學符姚姒

道繼羲軒

聖德神功頌揚難罄大綱細目備舉無遺
諭教之道盡善盡美史冊所載亙古無倫

皇太子睿哲性成德修日懋臣自愧樸魯何能仰
贊

高深惟思古之賢臣以人事君圖報

天恩計無逾此乃臣交遊既寡聞見復疏聽言而

觀行卽事而察心彌覺知人之難恐蹈妄舉之罪

湯子遺書卷二

金

反復詳慎不敢自輕茲於臣素所知者得一人焉
敬爲我

皇上陳之原任翰林院檢討轉直隸大名道副使
丁憂回籍河南登封人耿介賦質剛方踐履篤實
服官冰蘖自矢家居淡泊自甘潛心經傳學有淵
源與臣舊爲同官相別多年聞其造詣精進心竊
嘆服今雖年逾六旬精力尚健老成宿素罕見其
儔邇者

皇上念衛旣齊之賢復其原官仰見

皇上愛惜人才不忍遐棄凡有寸長誰不思奮臣

才具最下

愚遇過隆豈敢竊位蔽賢自昧舉知之義謹冒昧

上

聞倘蒙

鑒臣愚誠將介徵取來京

賜以引見可否錄用自有

睿裁非臣之愚所敢妄議也如臣言不謬伏祈

勅下該部議覆施行爲此具本謹具奏

聞

湯子遺書卷二

金

